

Zvonko Marić
Zastupnik SBB BIH

BOSNA I HERCEGOVINA
FEDERACIJA BOSNE I HERCEGOVIN
KANTON SARAJEVO
SKUPŠTINA KANTONA SARAJEVO
n/r Vlade KS
n/r Ministarstva za obrazovanje, nauku i mlade KS
Sarajevo, 02.10.2017.godina

ZASTUPNIČKA INICIJATIVA

Po ko zna koji put skrećem pažnju Vladi da poduzme sve mjere kako se ne bi dešavalo da nam ustanove i resorna ministarstva neodgovaraju na zastupnička pitanja i inicijative, jer time ozbiljno narušavaju dignitet i zastupnika i Skupštine KS a prevashodno Vlade.

Ponukan sam da ponovo pokrenem ovu inicijativu jer je i vama poznato da je jedan od slabijih segmenata Vlade upravo ta institucija zastupničkih pitanja i inicijativa.

Posljednji slučaj oko postavljanja mog pitanja vezanog za mobing učenika , zaposlenice i roditelja od strane direktora Srednjoškolskog centra u Hadžićima koji je kroz formu pokušaja da odgovori na zastupničko pitanje zapravo napisao pismo u kojem želi da polimizira sa mnom kao zastupnikom a ne da odgovori na pitanja koja sam mu uputio.

Žao mi je što je testirao moja saznanja o svim njegovim nepodobštinama uključujući i to da sam morao da kažem kako prilikom konkurisanja za mjesto direktora nije priložio obavezni petogodišnji plan razvoja škole, već je izvršio plagijat tog dokumenta od profesorice [ime] i priložio ga nakon 14 mjeseci od njegovog izbora za direktora što je svojevrsna protuzakonitost.

Iako sam imao sva ta saznanja još mnogo ranije nisam želio upravo zbog toga što sam radio u toj sredini da kompromitiram taj Srednjoškolski centar, kao što to čini njegov direktor. Jasno vam je da sam mogao da iskoristim i taj momenat i zatražim inspekcijski nadzor ali zaista to nisam želio, čak i usprkos činjenici da je otišao u Dom zdravlja i pokušao da utiče na ljekare da učeniku koji čak i završio školovanje sa određenom rezervom su pristupili prilikom davanja zdravstvene usluge, iako je taj učenik završio školovanje. Ne bih više da nabrajam sve ono što znam o načinu obnašnja njegove funkcije ali možda će u budućnosti biti prilike. Međutim suština moje reakcije je u tome da se privole javna preduzeća i resorna ministarstva kako bi ispunjavali svoje obaveze.

Zastupnik SBB BIH

Zvonko Marić